

煩惱障業障報障得生淨土汝能愍念衆生
遊諸佛土示現色身利益衆生說大乘經能
斷諸惡令王旃陀羅乃至沙門旃陀羅修諸
善法佛說此經時無量阿僧祇人天得種種
三昧陀羅尼住於諸忍得十地智十千人得
無生法忍佛說曷言
若衆生諍訟 因根本所攝 能攝諸根本
速疾得見彼
佛說經已一切大衆歡喜奉行
虛空藏菩薩神呪經

觀虛空藏菩薩經

劉宋罽賓三藏曇摩密多譯

如是我聞一時佛住佉陀羅山依正覺仙人
所住處與千二百五十比丘俱賢劫千菩薩
彌勒爲首爾時長老優波離即從座起整衣
服爲佛作禮十四白佛言世尊世尊先於功德經
中說虛空藏菩薩摩訶薩名能除一切惡不
善業治王旃陀羅乃至沙門旃陀羅諸惡律
儀如此惡事若欲治者當云何觀虛空藏菩
薩設得見者云何共住布薩僧事若優婆塞

破五戒犯八戒齋出家比丘比丘尼沙彌沙彌尼式叉摩那犯四重禁在家菩薩毀六重法出家菩薩犯八重禁如是愚人世尊先於毗尼中說決定驅擯如大石破令於此經說大悲虛空藏能救諸苦及說呪以除罪咎設有此人云何知之以何爲證惟願世尊分別解說佛告優波離汝及未來世一切善持毗尼者應當教此犯罪衆生安慰其意世尊大慈弘誓無量不捨一切於深功德經說治罪法名決定毗尼有三十五佛教救世大悲汝

當敬禮汝敬禮時當著慙愧衣如眼生瘡深生恥愧如癘病人隨良醫教汝亦如是應生慙愧既慙愧已一日乃至七日禮十方佛稱三十五佛名別稱大悲虛空藏菩薩名澡浴身體燒衆名香堅黑沉水明星出時長跪合掌悲泣雨淚稱虛空藏白言大德大悲菩薩愍念我故爲我現身爾時當起是想是虛空藏菩薩頂上有如意珠其如意珠作紫金色若見如意珠即見天冠此天冠中有三十五佛像現如意珠中十方佛像現虛空藏菩薩

身長二十由旬若現大身與觀世音等此菩薩結跏趺坐手捉如意珠王其如意珠演眾法音與毗尼合若此菩薩憐愍眾生故作比丘像及一切像若於夢中若坐禪時以摩尼珠印印彼人臂印文有除罪字得此字已還入僧中如本說戒若優婆塞得此字者不障出家設不得此字使空中有聲唱言罪滅若無空聲使知毗尼者夢見虛空藏告言毗尼菩薩某甲比丘某甲優婆塞更令懺悔一日乃至七七禮三十五佛虛空藏菩薩力故

汝罪輕微知法者復教令塗治圓廁經八百日日告言汝作不淨事汝今一心塗一切廁莫令人知塗已澡浴禮三十五佛稱虛空藏向十二部經五體投地說汝過惡如是懺悔復經三七日爾時智者應集親厚於佛像前稱三十五佛名稱虛空藏名稱文殊師利稱賢劫菩薩爲其作證更白羯磨如前受戒此人因苦行力故罪業永除不障三種菩提業佛告優波離汝持是觀虛空藏法爲未來世無慙愧眾生多犯惡者廣分別說說是語

時虛空藏菩薩結跏趺坐放金色光如意珠
中現三十五佛已白佛言世尊我此如意珠
寶從首楞嚴生是故衆生見珠者得如意自
在爾時世尊勅優波離汝持此經不爲多衆
廣說但爲一人持毗尼者爲未來世無眼衆
生作眼目故慎莫忘失時優波離聞佛所說
歡喜奉行

觀虛空藏菩薩經

右觀虛空藏菩薩經按開元錄係是單譯
止有二紙經後舊尚有八紙經文准校勘
大藏 竹堂講師批該是後人採集虛空
藏經呪并諸經中佛名及呪以爲勸世修
行法不可連在觀虛空藏經後下竺本及
福本皆無又按此經世尊先於深功德經
說治罪法名決定毗尼有三十五佛者即
出寶積經第九十卷優波離會與決定毗
尼經同本餘文皆例此然詳觀所批理亦
可以意會徒存似是姑爲刪之

音釋

虛空藏菩薩神呪經

罽賓

此梵語止云迦濕彌羅切鎧甲也惜味

惜莫

孔切切波音仇切鳩儼切之日誦罰華切

也責罰

匿藏也切可嚙切要力侯切切哈切大合颶

清撥

絲耳由蜜咤嚙美早切拯之度切采

莫可

發發音菟奴侯切

觀虛空藏菩薩經

驅擯

驅必切于切逐也癘落蓋切惡疾也圓

廁

史切圓盈切廁初也羯磨梵語也此云辦事

切